

բայց սակայն այնքան կոյր չեմ, թե զԱրեաց¹ ոյժ եւ տեսանել անգամ չգիտեմ. որոյ ուժոյ զբազում ազգս ապստամբաց² հարեալ է սաստիկ երկիւղիւ, եւ հնազանդեցուցեալ ընդ ձեռամբ իւրեանց ունին: 15 Իսկ ես, որ ապստամբելս կամիմ ըստ դորա ասելոյդ՝ դոյն իսկ ինքն³ գիտէ, զի մի ծառայ չգտանի իմ, որ ինձ խոհկերութիւն առնէ, եւ ոչ երկուց կամ երից պատանեաց իշխեմ տիրաբար, որ ինձ երկիւղիւ սպաս ունին. գնդի⁴ իմ ոյժ այդ է: 16 Բայց եթէ նեղ ինչ էր ինձ ի ձեռք, եւ ուրեք յաւտար երկիր գնալ եւ կորնչել կամէի, զայդչափ ոսկի այսր զի՞ բերէի, որ մինչեւ ցմահ իմ, թէեւ կարի շատ կէի՝ իմում անձինս, այլ եւ տասանց եւս ընդ իս, թոշակ շատ էր եւ բաւական. եւ զայլ ոք ոստիկան ձեր յիմ վերայ չէր կացուցեալ, որ թէ ինձ⁵ ի հարկէ տայր բերել այսր զայդչափ բազմութիւն ոսկոյ: 17 Բայց թէ վաստակել գիտեմ ձեզ՝ դուք կարող էք որ զիս թէ կամիք կեցուցանել, վաղվաղակի եւ առ ժամայն մեծացուցանել, որպէս եւ կամիք»:

18 Եւ լուեալ զայս թագաւորին Պերոզի եւ այլ աւագանւոյն զայնպիսի իմաստութեան⁶ զխաւսս ի Վահանայ՝ ամենեքեան իրաւացուցին զխաւսսն Վահանայ քան զխաւսսն Վրուայ: 19 Եւ ելանէր Վահան արդարացեալ յատենէն, եւ որդի Ասորոյն Վրիւ ելանէր ամաչեցեալ եւ արհամարհեալ: 20 Եւ հրաժարեալ Վահանայ ի դրանէ՝ մեծարանաւք եւ բազում շքեղութեամբ եկեալ հասանէր յաշխարհս Զայոց:

21 Եւ քանզի ոչ էր խաղաղութիւն մտաց նորա զամենայն աւր վասն վատ անուան ուրացութեանն, զոր նման նահատակեալ հարցն իւրոց պատճառանաւք եւ ոչ ճշմարտութեամբ կրէր յինքեան, եւս առաւել ի գալն պայծառութեամբ ի դրանէ՝ տարակուսէր յանձն իւր, թէ մի՞ գուցէ պատրեալ ի փառս աշխարհիս՝ յամեալ մոռանայցէ զերկիւղ հանդերձելոյ աշխարհին, եւ վնասիցի: 22 Եւ այսպէս ցանկ մաշելով ի միտս իւր՝ ծանուցանէր առ շերմ սիրողաց զիւրն հոգալ, եւ հնարս հայցէր եւ անդադար խնդրէր ի Փրկչէն Զրիստոսէ՝ շնորհել նմա ժամ բարի, ասելով ընդ միտս իւր, թէ «Միշտ ընդ քեզ⁷, տէր Աստուած, ամենայն ինչ հնարաւոր է, եւ տկարանայ քեզ եւ ոչ ինչ. դու, տէր, ապաւեն իմ լեր. շնորհեա՛ ինձ ժամանակ դարձի խոստովանութեան, եւ ուսո՞՞ ինձ առնել զկամս քո, զի դու ես Աստուած իմ»:

1 Ձ. զարեաց-ի փոխարէն նախ՝ զարթեայց, ապա՝ յ-ն ջնջած

2 Ձ. ապստամբաց (երկրորդ ա-ի վրայ ջնջման նշանով)

3 ՏՏ. դոյն իսկ ինք

4 Ձ. գնտի

5 ԲԳտ. որ թէ ինչ

6 Ձ. իմաստաբանութեան զխօսս. ԲԳտ. իմաստութեամբ

7 ԲԳտ. ուղղագրել են միշտ քեզ

8 Ձ. ուսոյ